

ЖИЗЗАХ ВИЛОЯТИ ЙИРИК САНОАТ МАРКАЗИГА АЙЛАНМОҚДА

Президент Шавкат Мирзиёев 27 июнь куни Жиззах вилоятига ташир буюриб, йирик sanoat объектлари билан танишди, янги лойиҳаларга старт берди.

Жиззах вилоятидаги “BYD Uzbekistan Factory” кўшма корхонасида илк электро-мобиллар ишлаб чиқарила бошланди. Давлатимиз раҳбари дастлаб ушбу инновацион заводни келиб кўрди.

Бу мамлакатимиз автосаноатида янги босқич, улкан тарихий воқеа. Мазкур завод шу йил январда давлатимиз раҳбарининг Хитойга ташир

фи чоғида фаолият бошлаган эди. Бу қиймати 160 миллион долларлик лойиҳанинг биринчи босқичи бўлиб, йилга 50 минг донга электро-мобил ишлаб чиқариш қувватига эга.

Бунинг учун кўшма корхона замонавий sanoat инфратузилмаси билан таъминланди. Қарийб 2 километр темир йўл тортилди. Ишлаб чиқариш узлуксизлигини таъминлаш

учун бутловчи қисмлар омбори, 1 минг 200 та контейнер сифимига эга логистика маркази қурилди.

Заводга Хитойдан роботлаштирилган тизимлар ва ускуналар келтириб ўрнатилган. Ишлаб чиқариш жараёни автоматлаштирилган. Электро-мобилнинг геометрик ўлчамларини юқори аниқликда текширувчи лаборатория ташкил қилинган.

Президент ушбу имкониятларни кўздан кечирди, хитойлик шериклар билан суҳбатлашди.

Ҳозирда бу ерда Chazog ва Song Plus Champion моделлари ишлаб чиқарилмоқда. Шавкат Мирзиёев конвейердан чиққан илк электро-мобилга имзо қўйди.

Шу ерда давлатимиз раҳбарига ишлаб чиқаришни маҳаллийлаштириш бўйича ахборот берилди.

Келгуси йилларда заводда моделлар қаторини кенгайтириш режалаштирилган. Қиймати 300 миллион долларлик иккинчи босқичда электро-мобиллар сонини йилга 200 минг донга, 500 миллион

долларлик учинчи босқичда 500 минг донгагача етказиш кўзда тутилган.

Режалар улкан, иш шунга яраша жадал. Электро-мобиллар сони ортиши билан маҳаллийлаштириш даражаси ҳам босқичма-босқич ошириб борилади. Энг аввало, бампер, ойна, лак-бўёқ, пластик қисмларни ўзимизда тайёрлаш йўлга қўйилади. Кейинчалик аккумулятор, электр двигател, алюминий қисмлар, шиналар, ўриндиқлар ишлаб чиқаришга ўтилади.

(Давоми 2-бетда) ►

Мамлакатимизда мулк ҳуқуқининг дахлсизлиги ҳамда тадбиркорлик субъектлари манфаатларини ишончли ҳимоя қилишни таъминлаш борасида тизимли ишлар амалга оширилмоқда.

Моҳият



МУЛК ҲУҚУҚИ КАФОЛАТЛАРИ ТАКОМИЛЛАШТИРИЛМОҚДА

Янги таҳрирда қабул қилинган Конституциямизда “Ҳеч ким суднинг қарорисиз ва қонунга зид тарзда уй-жойидан маҳрум этилиши мумкин эмас” деган қоида белгиланди. Шунингдек, иқтисодий мақом бирлиги, товарлар, хизматлар, меҳнат ресурслари ва молиявий маблағлар эркин ҳаракатланиши кафолатланди.

Шу асосда Олий Мажлис Сенатининг эллик иккинчи ялпи мажлисида “Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида”ги қонун сенаторлар томонидан маъқуллангани алоҳида аҳамият касб этади.

(Давоми 3-бетда) ►

Мезон

Тезкор-қидирув ФАОЛИЯТИ УНИ АМАЛГА ОШИРИШДА СУДЛАРНИНГ ЎРНИ

Кейинги йилларда мамлакатимизда инсон ҳуқуқларини ҳимоя қилишнинг қонунчилик ва ташкилий-ҳуқуқий базасини янада такомиллаштириш, халқаро стандартларни миллий қонунчиликка имплементация қилиш борасида муҳим чора-тадбирлар амалга оширилмоқда. Президентимиз томонидан 2024 йил 10 июнда имзоланган “Тезкор қидирув ҳамда тергов фаолиятида шахснинг ҳуқуқи ва эркинликларини ишончли ҳимоя қилиш кафолатларини янада кучайтириш чора тадбирлари тўғрисида”ги Фармон бу борадаги яна бир муҳим қадам бўлди.

Ушбу Фармонга асосан инсон ҳуқуқлари, эркинликлари ва қонуний манфаатларини ишончли ҳимоя қилиш кафолатларини янада кучайти-

ришга қаратилган бир қатор чора-тадбирларни амалга ошириш белгиланди.

(Давоми 2-бетда) ►

Ўзбекистон Республикаси Президентининг ФАРМОНИ

ЁШЛАР КУНИ МУНОСАБАТИ БИЛАН ЮРТИМИЗНИНГ ФАОЛ ВА ТАШАБУСКОР ЁШ АВЛОД ВАКИЛЛАРИДАН БИР ГУРУҲНИ МУКОФОТЛАШ ТЎҒРИСИДА

Мамлакатимизда ёшларни кўллаб-қувватлаш, уларнинг давлат ва жамият ҳаётидаги фаоллигини ошириш мақсадида ўзининг юксак азму шижоати, билим ва салоҳияти, истеъдод ва қобилиятини намоён этиб, турли соҳаларда эришган ютуқлари билан Янги Ўзбекистон тараққиётига, унинг шон-шухратини жаҳон

миқёсида янада юксалтиришга муносиб ҳисса қўшаётган, эл-юртимизга меҳр ва садоқати, намунали хулқи ва одоби ҳамда ватанпарварлик фазилатлари билан тенгдошларига ҳар томонлама ўрнак бўлиб келаётган куйидаги ташаббускор ва етакчи ёшларимиз «Келажак бунёдкори» медали билан мукофотлансин:

- Куанишбаева Гулайим Махамбетали қизи** — Қорақалпоқ давлат университетининг 2-босқич талабаси, Қорақалпоғистон Республикаси
- Сржаатдинов Аманбай Конисбай ули** — Нукус шаҳридаги «Real Innovatsiya NKS» нодавлат таълим муассасаси раҳбари, Қорақалпоғистон Республикаси
- Турдалиев Сардорбек Шерали ўғли** — Балқич туманидаги «Academy IT Star» масъулияти чекланган жамияти раҳбари, Андижон вилояти
- Хайтахматова Дилнавоз Алижон қизи** — Тошкент давлат ўзбек тили ва адабиёти университетининг 2-босқич талабаси, Андижон вилояти
- Облоқуллова Дилафруз Шухрат қизи** — Бухоро

- вилояти маданият бошқармасининг рақамлаштириш ва матбуот хизмати бўйича бош мутахассиси
- Остонов Огабек Ўлмас ўғли** — Жондор туманидаги «Шариф Нафосат» масъулияти чекланган жамияти иш юритувчиси, Бухоро вилояти
- Сатторов Элбек Холиқул ўғли** — Бахмал туманидаги «Аззам Элбекович» масъулияти чекланган жамияти раҳбари, Жиззах вилояти
- Ҳошимова Шахло Улуғбек қизи** — Жиззах политехника институтининг қишлоқ хўжалик ва озиқ-овқат маҳсулотларини қайта ишлаш кафедраси ассистенти, Жиззах вилояти
- Пардаев Улмасжон Довурпулат ўғли** — Муборак тумани «Бўстон» маҳалла фуқаролар йиғини-

- даги ёшлар етакчиси, Қашқадарё вилояти
- Ҳўжаева Роҳилабону Саидусмон қизи** — «Uzbekistan GTL» масъулияти чекланган жамиятининг марказий лабораторияси лаборанти, Қашқадарё вилояти
- Бафоев Шерзод Ихтиёр ўғли** — Конимех туманидаги «Боймурод» оилавий шифокорлик пункти шифокори, Навоий вилояти
- Саидова Севинч Асатилло қизи** — «Навоий кон-металлургия комбинати» акциядорлик жамиятининг «Навоий машинасозлик заводи» ишлаб чиқариш бирлашмаси кран машинисти, Навоий вилояти

(Давоми 2-бетда) ►

Ўзбекистон Республикаси Президентининг ҚАРОРИ

«МАРД ЎҒЛОН» ДАВЛАТ МУКОФОТИ БИЛАН ТАҚДИРЛАШ ТЎҒРИСИДА

Мамлакатимизда амалга оширилаётган кенг кўламли ислохотларда алоҳида фаоллик кўрсатиб, ўзининг билим ва қобилияти, интилувчанлиги, ташаббускорлиги ва самарали меҳнати билан юртимиз тараққиётини юксалтириш, жонажон Ватанимизнинг халқаро миқёсдаги нуфузини янада оширишга муносиб ҳисса

қўшиб келаётган, юксак маънавиятли, мустақил фикрлайдиган, қатъий ҳаётий позиция, кенг дунёқараш ва юқори салоҳиятга эга, халқ манфаати ва юрт истиқболи учун масъулиятни ўз зиммасига олишга қодир бўлган фидойи ва мард ўғлонларимизни муносиб рағбатлантириш мақсадида:

1. Ўзбекистон Республикаси Пре-

зиденти ҳузуридаги Давлат мукофотлари ва геральдика бўйича комиссиянинг Қорақалпоғистон Республикаси, вилоятлар ва Тошкент шаҳрининг иқтисодий йиғитларини фан, таълим, тиббиёт, маданият, санъат, спорт, ишлаб чиқариш, ҳарбий хизмат соҳалари ва ҳуқуқни муҳофаза қилиш органларидаги фаолиятида эришган

алоҳида ютуқлари учун «Мард ўғлон» давлат мукофоти билан тақдирлаш тўғрисидаги тақлифлари иловадаги рўйхатга мувофиқ маъқуллансин.

2. «Мард ўғлон» давлат мукофоти билан тақдирланганларга совриндорлик дипломлари ва кўкрак нишонлари тантанали вазиятда топширилсин.

(Давоми 2-бетда) ►

Қонунчиликдаги янгиликлар

Олий Мажлис Қонунчилик палатасининг навбатдаги мажлисида бир қатор муҳим қонун лойиҳалари кўриб чиқилди ва депутатлар томонидан қабул қилинди.

Парламент фаолияти



Ижтимоий ҳимоя миллий агентлиги ваколатлари кенгайтирилмоқда

Ижтимоий хизмат ва ёрдам кўрсатиш тизимини такомиллаштиришга қаратилган қонун лойиҳасида бир қатор қонунларга ўзгаришлар парваршига муҳтож бўлган ёлғиз яшовчи, ёлғиз кекса ҳамда ногиронлиги бўлган шахс-

ларнинг ижтимоий ҳимоясини кучайтириш, хотин-қизлар ва болаларнинг қонуний манфаатларини ҳимоя қилишга қаратилган ўзгаришлар ва қўшимчалар киритиш назарда тутилган.

(Давоми 3-бетда) ►

Таҳлил ва тақлиф

НИЗОЛАРНИНГ МАЪМУРИЙ СУДГА ТААЛЛУҚЛИЛИГИ ВА СУДЛОВГА ТЕГИШЛИЛИГИ:


МУАММО ВА ЕЧИМ

Давлат томонидан ҳал этиладиган ҳуқуқ ҳақидаги низолар ва бошқа юридик ишларнинг муайян давлат органи иш юритувига тегишлилиги муҳим аҳамиятга эга. Бу ўз навбатида, юридик ишларни турли хил юрисдикциявий органлар ўртасида аниқ ва мақсадга мувофиқ равишда тақсимланишини таъминлайди. Тааллуқликнинг муҳим белгиси унинг қонун билан аниқ белгилаб қўйилгани ҳисобланади.

Маъмурий суд ишларини юритиш тўғрисидаги кодекснинг 27-моддасига кўра, маъмурий судлар маҳаллий давлат ҳокимияти органларининг, давлат бошқаруви органларининг, маъмурий-ҳуқуқий фаолиятни амалга оширишга ваколатли бўлган бошқа органларнинг, фуқаролар ўзини ўзи бошқариш органларининг ва улар мансабдор шахсларининг қонунчиликка мос келмайдиган ҳамда фуқаро-

лар ёки юридик шахсларнинг ҳуқуқларини ва қонун билан қўриқланадиган манфаатларини бузадиган қарорлари, ҳаракатлари (ҳаракатсизлиги) юзасидан низолашиш тўғрисидаги ҳамда оммавий-ҳуқуқий муносабатлардан келиб чиқувчи бошқа бир қатор ишларни кўриши белги-ланган.

Кодекснинг 4-моддасига кўра, ҳар қандай манфаатдор шахс ўзининг бузилган ёки ни-




Нодира ХАКИМОВА,
Олий суд судьяси

золашилаётган ҳуқуқларини ёхуд қонун билан қўриқланадиган манфаатларини ҳимоя қилиш учун маъмурий судга (судга) мурожаат қилишга ҳақлидир.

(Давоми 3-бетда) ►

Тарих тилсимлари

«БОБУРНОМА»да Амир Темур сиймоси



Буюк аждодимиз, шоҳ ва шоир Заҳириддин Муҳаммад Бобурнинг «Бобурнома» асари бутун дунё миқёсида қомусий асар сифатида баҳоланган. Қолаверса, ушбу бебаҳо асар темурийлар даври бўйича энг муҳим ишончли манба ҳисобланади. Ушбу асарнинг ўзига хос муҳим жиҳатларидан бири унда тарихий шахслар, ҳукмдорлар, олимлар, ижодкорлар, санъаткорлар ва оддий инсонлар ҳақида аниқ маълумотлар, изоҳлар, тасвирлар, шарҳларнинг баён этилганидир.

(Давоми 4-бетда) ►

